

### **381-modda. O‘zbekiston Respublikasining rezidentlari bo‘lgan jismoniy shaxslar uchun soliq stavkalari**

O‘zbekiston Respublikasi rezidenti bo‘lgan jismoniy shaxsning daromadlariga, agar ushbu moddaning **ikkinchi qismida** boshqa qoida nazarda tutilmagan bo‘lsa, 12 foizlik soliq stavkasi bo‘yicha soliq solinadi.

Dividendlar va foizlar tarzidagi daromadlarga 5 foizlik soliq stavkasi bo‘yicha soliq solinadi.

### **382-modda. O‘zbekiston Respublikasining norezidentlari bo‘lgan jismoniy shaxslar uchun soliq stavkalari**

O‘zbekiston Respublikasining norezidenti bo‘lgan jismoniy shaxsning O‘zbekiston Respublikasidagi manbalardan olingan daromadlariga quyidagi soliq stavkalar bo‘yicha soliq solinadi:

<b>T/r</b>	<b>Soliq ob‘yekti</b>	<b>Soliq stavkalari, foizlarda</b>
1	Dividendlar va foizlar	10
2	Ushbu Kodeksga muvofiq aniqlanadigan, xalqaro tashishlarda transport xizmatlari taqdim etishdan olinadigan daromadlar (fraxtdan olinadigan daromadlar).	6
3	Mehnat shartnomalari (kontraktlari) va fuqarolik-huquqiy xususiyatdagi shartnomalar bo‘yicha olingan daromadlar, 1 va 2-bandlarda ko‘rsatilmagan boshqa daromadlar	20

### **383-modda. Qat'iy belgilangan miqdorlardagi soliq summolari**

Qat'iy belgilangan miqdorlardagi soliq summolari O'zbekiston Respublikasining Davlat byudjeti to'g'risidagi Qonuni bilan tasdiqlanadi.

### **384-modda. Soliq davri. Hisobot davri**

Kalendar yil soliq davridir.

Soliq agentlari uchun hisobot davri bir oydir.